

OINARRI ARAUTZAILEAK

III. GILDA EGUNEKO LEHIAKETA TRAPAGARAN 2023

LEHENENGOA.- Xedea

Valle de Trápaga-Trapagarango Udaleko Merkataritza Sailak eta Baturikek – Trapagarango Merkataria, Ostalari eta Serbitzuen Elkarteak, Meatzaldeko Merkataritzako Bulego Teknikoarekin lankidetzan, oinarri hauen bidez TRAPAGARANGO GILDA EGUNEKO LEHIAKETAREN III. EDIZIOaren deialdia egiten du, Valle de Trápaga-Trapagaran udalerriko barrako ostalaritza dinamizatu eta sustatzeko.

Egun hauetan dastatu ahal izango dira gildak lehiaketan parte hartzen duten herriko ostalaritza establezimenduetan:

- 2023ko azaroaren 24, 25 eta 26an
- 2023ko abenduaren 1, 2 eta 3an

Gildak dastatzeko ordutegia hauxe izango da:

- Ostiral eta larunbatetan, 12:30etik 15:00etara eta 19:30etik 22:00etara
- Igandeetan 12:30etik 15:00etara

BIGARRENA.- Establezimendu parte-hartzaileak

Parte hartzea librea da eta inskripzioak ez du sortzen ezelako gasturik.

Barra daukan edozein ostalaritza establezimenduk har dezake parte, dena dela daukan sailkapena edota maila (taberna, txiriboga, ostatu, kafetegi, jatetxe, etab.) eta horretarako baldintza hauek bete beharko dituzte:

Ostalaritza establezimendua Valle de Trápaga-Trapagaran udalerrian egon beharko da kokatuta.

Establezimenduak eratuta eta jardunean egon beharko dira oinarri hauek indarrean dauden artean.

Taberna edo jatetxea izango da jarduera nagusia

HIRUGARRENA.- Inskripzioa

Parte hartu nahi duten establezimenduek, oinarri hauen edukia onartu eta betetzeko konpromisoa hartu behar dute, eta inskripzio-fitxa bete eta entregatu egin behar dute ezarritako epeen barruan. Interesaturiko establezimenduek Udalaren eta Baturiken

webguneetan on-line eskuragarri dauden inprimaki bat betez egingo dute inskripzioa, 2023ko azaroaren 2ko 9:00etatik hasi eta 2023ko azaroaren 7ko 13:00ak arte.

Oinarri hauek ez baditu betetzen, establezimendu parte-hartzailea deskalifikatuta gera daiteke 2023ko Trapagarango GILDA EGUNEKO III. LEHIAKETAtik.

LAUGARRENA.- Herritarren parte hartzea

Udaleko Tokiko Merkataritza Sailak ibilbide-txartel bat banatuko du herriko postontzi guztietatik. Ibilbide hori parte hartzen duten tabernetan eta herriko zenbait gunetan ere eskuratu daiteke. Txartel hori eskuan, lehiaketan parte hartzen duten establezimenduetara joan, gilda dastatu eta zigilatu egin beharko da. Taberna guztien zigiluak lortu ondoren eta hautaturiko gilda adierazita, establezimendu parte-hartzaileetan, kiroldegian eta Enplegu eta Herriaren Garapenerako Agentzian eskura egongo diren hautestontzietan sartuko dira txartelok eta hortik aterako da establezimendu irabazlea. Hautestontziak zigilatuta eta egoera egokian egongo dira balekoak izateko.

Hainbat sari zozketatuko dira bezero parte-hartzaile guztien artean. Behar bezala zigilatu eta betetako ibilbide-txartelen artean zozketa bat egingo da bezero irabazleak zeintzuk diren ezagutzeko. Zozketa hori 2023ko abenduaren 5ean egingo da, 12:00etan Enplegu eta Herriaren Garapenerako Agentzian eta Baturiken Facebook-ean agertuko da. Zozketa egin eta hurrengo egunetan Enplegu eta Herriaren Garapenerako Agentzia arduratuko da irabazleei berria emateaz, haiek ibilbide-txartelean adierazitako bitartekoez.

BOSGARRENA.- Aurkezpena eta identifikazioa

Establezimendu parte-hartzaile bakoitzak gilda bakar bat aurkeztuko du eta salgai eduki beharko du lehiaketak dirauen egun eta ordutegian. Ez da onartuko gildan aldaketarik egitea. Beti erabili beharko dira osagai berak eta aurkezpen bera.

Udaleko Tokiko Merkataritza Sailak banatuko duen lehiaketako bereizgarriaz identifikatuko dira parte hartzen duten gilda guztiak.

Lehiaketarako aurkeztutako gilda salgai egongo da lehiaketak dirauen artean eta gutxienez

- Ostiral eta larunbatetan 12:30etik 15:00era eta 19:30etik 22:00etara.
- Igandeetan 12:30etatik 15:00etara

Gildarik ez baleuka ere, establezimenduak ibilbide-txartela zigilatzeko obligazioa izango du.

Establezimendu parte-hartzaileak identifikazio-zigilu bat izango beharko du ibilbide-txartelean jartzeko, sinadura ez delako baliozkotzat hartuko.

SEIGARRENA.- Prezioa

Lehiaketako gilda guztiek 1,50 euroko gehienezko prezioa izango dute.

Gildaren prezioa kontsumizio bati lotuta egongo da.

ZAZPIGARRENA.- Sariak

Udaleko Tokiko Merkataritza Sailak eta Baturikek banatuko dituzte sariak, berezoenak zein establezimendu parte-hartzaileenak.

Establezimendu irabazleari sari hauek emango zaizkio: diploma bat, trofeo bat, publizitate-kanpaina bat Radio 7n gilda irabazlea gomendatzeko eta 200 €-ko txartel bat herriko dendetan trukatzeko. Establezimendu irabazleak konpromisoa hartuko du bere gilda hilabetez salgai edukitzeko (larunbat eta igandeetan) lehiaketa hau amaitu eta gero.

2023ko abenduaren 5ean, eguerdiko 12:00etan, Enplegu eta Herriaren Garapenerako Agentzian egin eta Baturiken Facebook-ean argitaratuko den zozketan irabazle suertatzen diren ibilbide-txartela bete duten bezeroentzako sariak hauek izango dira:

- Lehenengo saria: 150 euroko erosketa-txartel bat herriko dendetan trukatzeko + 50 €-ko bazkari/afari-txartel bat bi pertsonentzat, herriko ostalaritza establezimenduren batean erabiltzeko.
- Bigarren saria: 100 euroko erosketa-txartel bat, Baturikek emana.
- Hirugarren saria: 50 €-ko bazkari/afari-txartel bat bi pertsonentzat, herriko ostalaritza establezimenduren batean erabiltzeko.

Udalak emandako goian aipatutako sariei dagokienez, oinarri hauetan, Dirulaguntzei buruzko Lege Orokorrean eta Dirulaguntzei buruzko Lege Orokorrearen Erregelamenduan ezarritakoaren arabera arautuko da sari-banaketa. Osagarri gisa, administrazio-zuzenbideko gainerako arauak aplikatuko dira, eta, halakorik ezean, zuzenbide pribatukoak.

Prozedura izapidetzeko eta ebazteko organo eskuduna Udaleko Tokiko Merkataritza Saila izango da.

Parte-hartzaileen betekizunak: Pertsona fisikoek, juridikoek edo erakundeek ezin izango dute parte hartu deialdietan, baldin eta, deialdi bakoitzean ezarritako parte hartzeko baldintza espezifikoak beteta ere, Dirulaguntzei buruzko Lege Orokorrearen 13. artikuluan dirulaguntzak jasotzeko ezarritako debeku-arrazoiren batean sartuta badaude. Era berean, parte-hartzaileek egiaztatu beharko dute egunean dituztela

zerga-betebeharrak eta Gizarte Segurantzarekikoak, eta dirulaguntzak itzultzeko betebeharrak ere bai, aurrekontua betearazteko oinarrietan ezarritako moduan.

Udalak ematen dituen sariak, guztira 450 €-ko balioa dutenak, 2023rako luzatutako edo onartutako aurrekontuetan sartutako 4310-47000 aurrekontu-partidaren kontura finantzatuko dira.

Egindako gastua justifikatu ondoren ordainduko dira sariak. Horretarako, Udaleko Ogasun Sailean irabazitako sariaren balioa duten tiketak edota fakturak aurkeztuko dira, eta bertan, dagokion egiaztapena egin ondoren, aipatutako zenbatekoa emango da.

ZORTZIGARRENA.- Epaimahai herrikoia

Publikoak hautatuko du gilda irabazlea, banatuko den ibilbide-txartelean gehien gustatu zaien gildaren aldeko botoa emanez. Txartel horietan antolatzaileek erabakitzen duten gutxieneko zigilu-kopurua egongo da eta establezimendu parte-hartzaileetan, kiroldegian eta Enplegu eta Herriaren Garapenerako Agentzian eskura egongo diren hautestontzietan sartuko dira txartelok.

Lehiaketa amaitu eta hurrengo egunetan egingo den sari-banaketa ekitaldian jakinarazio zaie ebapena irabazleei (bezero eta establezimenduei).

BEDERATZIGARRENA.- Obligazioak eta ez-betetzea

Establezimendu parte hartzaileek Udalak eskatzen dien informazio guztia emango diote, lehiaketa honen kanpainako antolatzaile den aldetik bete behar dituen eginkizunetarako eta lehiaketa honetan parte hartzea ahalbideratu dieten edozein baldintzetan unean-unean gertatu litezkeen aldaketen berri eman beharko diote.

Oinarri hauetan ezarritako baldintzak eta obligazioak ez betetzeak lehiaketatik kanporatzea ekarriko du.

HAMARGARRENA.- Publizitatea

Valle de Trápaga-Trapagarango Udalak GILDA lehiaketa egiteko datuak bilduko ditu tokiko garapen ekonomikoa sustatzeko asmoz, Euskadiko Toki Erakundeen 2/2016 Legea eta Datuak Babesteko 3/2018 Lege Organikoaren 8. artikuluan ezarritakoaren arabera. Parte-hartzaileen eta zozketetako irabazleen datu pertsonal identifikatiboak eta irudizkoak hirugarrenei komunikatu dakizkieke udalaren hedabide eta komunikabide elektronikoen bidez. Interesdunak datuok eskuratzeko, zuzentzeko eta kentzeko eskubidea du eta haien tratamendua mugatzeko edo aurkaratzeko ere bai eta informazioa areagotzeko ere bai, Udalaren helbidera edo posta elektronikoa honetara idatziz dbo-dpd.trapagaran@bizkaia.org

HAMAIKAGARRENA.- Interpretazioa

Antolazaileek eskubide izango dute Oinarri hauek interpretatzeko zalantzak sortzen dituzten edozein egoeratan, eta haien erabakiak behin betikotzat hartuko dira.